

nüwen strâss, vornen an des dorffs strass, hinnen / an Jaeken Spiegels<sup>7</sup> guot<sup>4</sup>. Vnd darzuo<sup>4</sup> ab vnserm<sup>5</sup> aigenn wingarten der darob gelegen, vnd vormâls von / allermenglichem gantzlich ledig lös vnd vnuerkümbert ist, stösset obnen vnd ainhalb an hansen Schniders<sup>8</sup> / guot<sup>4</sup>, vnne an die alten lantstrass, vnd andrenthalb an Bertschis Bremen guot; ab grund ab grât / ab wünn ab waid, ab gezimber ab gemûr, ab Reban Bomen wasen vnd zwy, ab allen Rechten nutzen / früchten vnd zuogehoerden<sup>4</sup> benempton vnd vnbenempton, vmb drü vnd zwaintzig pfund guoter<sup>4</sup> pfenning Costenczer / münss, dero wir bar nâch vnserm<sup>5</sup> willen von jm gewert vnd bezalt sind; Vnd soellent<sup>4</sup> wir vnser erben vnd / nachkomenn jn dero hand vnd gewalt dū obgenanten<sup>9</sup> vnser<sup>5</sup> gueter<sup>4</sup> nâch vns<sup>5</sup> iemer koment ald stand jn weler / wyse dz ist, dem obgenanten<sup>9</sup> Clausen Stôss sinen erben vnd nâchkomenn, den obgenanten<sup>9</sup> jrn zins ain pfund vnd / Sechs schilling pfenning, nv hinnenhin alle jâr eweklich yaerklichs<sup>4</sup> ye vff Sant Martis tag Richten / geben, vnd jn jro gewalt ân jr schaden bringen vnd antwürten ân fürzug; Vnd welchs jârs aber wir / jnen den zins also vff Sant Martis tag nit Richtent, So sind jnen dū obgenanten<sup>9</sup> vnser<sup>5</sup> aignū stukk vnd / gueter baidüsament grund vnd grât mit aller zuogehoerd<sup>4</sup>, gantzlich zinszuellig worden vnd dannen-/hin ze Rechtem ewigem aigen gevallen vnd veruallen ân menglichs jrrung; Vnd also soellent<sup>4</sup> wir / baidesament vnd vnser<sup>5</sup> erben, Sin vnd siner erben guot<sup>4</sup> wern vmb dis alles sin, wâ vnd gegen wem sū / des iemer bedurffent ald notdurfftig werdent an gaistlichen oder an weltlichen gerichtent ald anandern (sic) / stetten, mit guoten<sup>4</sup> trüwen ân widerred, vnd allvart in vnserm<sup>5</sup> kôsten, vnd ân allen jren schaden. Des ze / wârem offem vrkünd vnd guotem<sup>4</sup> gezügnüss, haben wir jnen disen brief ernstlich erbetten ze Besigeln / mit des obgenanten<sup>9</sup> vogtz vnd Ammans ze Vadutz z jnsigel, darvnder wir vns<sup>5</sup> für vns<sup>5</sup> vnd vnser<sup>5</sup> erben / vnd nâchkomen vesteklich verbunden habint; Das selb min Jnsigel jch obgenanter Fritsch von hûwen-/flu<sup>4</sup>, vogt vnd Amman ze Vadutz z von jro Bett wegen, won och si das obgedâcht ewig Redlich / verkoffen, mit miner hand, also getân vnd vollfuert<sup>4</sup> hând, offenlich gehenkt hab an disen brief, mir / vnd minen erben vnshaedlich<sup>4</sup>, Geben an vnser<sup>5</sup> herren fronlichams âbend, Nach Crists gebürt vier-/zehenhundert vnd darnach jm ainlufften Jâr .;. —